



Kukasibwa Na Kalaga Ka Kwigulu

**Kyakitwa na
M. Watson Goodman**

**Gratuit —
Geteli Bukunza**

Kukasibwa Na Kalaga Ka Kwigulu

Mukanda wono “KUKASIBWA NA KALAGA KA KWIGULU” gukukundamania masanzo mamozi ma Idagi lya Kalaga. Namakundamanizie ku meigisia mamozi kutukila mikanda zeidagi lya Kalaga, kubuno nikukengela buno meigisia masoga ma kwisula Idagi lya Kalaga meli mango masanzo meidagi lya Kalaga.

Idagi lya Kalaga lyatuka kwigulu, nu likukasia bantu beli na nzala nu mpusia za kuba na bwisanana. Ndi muntu akwiyania ku bwagi nu kubuzia Yesu Kristo kwingila mu mutima wage, nu kukanatizia buno Yesu Kristo eli Monia nu Mukota wage, nti Mukota Kalaga eidolesie kweli nu kumukasa mbogimbogi nu bubobelelo mu mutima wa wozo wamukatizia. Nakatile bubo mu mwaka wa 1937, nu nabezaga kugomania na Kalaga kutukila mwaka wozo. Nkukusengezia kwikasana ku Yesu buno abe Monia nu Mukota wobe, nu kubukita kano kaluma, ndi ntawikitile bubo kalazi.

— Watson Goodman (1920-2002)

Baroma 5:8

Tondo Kalaga akulolesia lutundo Iwage kutuli, kubuno Kristo atukwilide gatwabezaga tukili bagi.

Yoane 3:16

Kubuno Kalaga eitide nunse kutunda ba ga kisi buno akasene Mwana Wage wangomo, buno unsania wamukatizia ntazimine, tondo abe na kalamo katanakuzinda.

Yoane 13:1

Kwabbezaga busi bumodzi Iwabusio Iwa kulinga kwa kisagulo kya Pasaka. Yesu amenyine buno nkungu zage za kutuka mu ki-

si nu kwenda kwisi zakuka. Atundile nunse bage babezaga mu kisi, nu abatundile aba nu kuzinda.

Yeremia 31:3

Mukota Kalaga amonekile kundi wakalazi, nu ambwide bune: Ee, nakutundile na lutundo Iwa milyalya. Ububo nakulutile na kyombo kyane.

Kulolesibwa 1:5

Nu bikutukaga ku Yesu Kristo, temwe wa bulili nu mutangi watukile ku bakuzi, nu mwangati wa bakota ba kisi. We ukutundaga nu kutwengezia ku mibi zeitu na mikila zage.

Bukalaga bwa Yesu Kristo

1 Timote 3:16

Geteli myango, kakungu kakkwanza Kalaga keli kanene: We amonekileko mu mubili, abingizibwe na Muuza, amonekileko ku bamalaika, asambedwe ku babilongo, akatizizibwe mu kisi, ekilwe mwigulu mu lutanuno.

Matayo 1:22, 23

Bibino binsania byakitilwe buno iyuki lizindilile lyatendaga Mukota mu kanwa ka mulengania bune: Lolazi kikumi kyeke iyimi, nuwe abute mwana wamulume. Bamwinike izina buno Emanuele (Bwisulilwa bwalyo bu li Kalaga eli neiswe).

Yoane 14:9, 10a

Yesu amubuzizie bune: Filipo, Inne nizizia neinyu bindi bingi, nuuwe ntunizi? Wozo wammo-nako amona ku Tatane. Kubuni ukuntenda buno nimulolesie Tatane? Ndi tamukukatizia buno ni-li mu Tatane nu Tatane eli mundi?

Yoane 1:1 nu 14

Mu kulinga mwabezaga Idagi, nu Idagi lyabezaga na Kalaga, nu Idagi lyabezaga Kalaga . . . Nu Idagi lyabede muntu, nu eikede neiswe. Eiyede na mponga nu bulili. Twamonine ku lutanuno Iwage Iwakasile Isi ku Mwana wage wangomo.

I Yoane 4:15

Muntu unsania witabizia buno
Yesu eli Mwana wa Kalaga, Ka-
laga nti akwikalaga mweli, nuwe
mu Kalaga.

Matayo 3:17

Nu kazanga kongo iyuki ly-
tukile kwigulu lyatendile bune:
Wono eli Mwana wane, u ngoli
zane. Nakomana nage.

Isaya 9:6

Kubuno mwana abutilwe kutu-
li, twakasilwe mwana wamulume.
Bwangato bukaba bwage, nu izi-
na lyage lyabe Musoga nunse,
Mukazi wa nango, Kalaga mwiya
magala mansania, Isi wa milya-
lya, Mukota wa bubobelelo.

Luka 1:35

Nu malaika amwakwide bune:
Muuza Wasililila akuvwile, nu
magala ma Wozo uli kwigulu nu-
nse makukukile anga kilimelime.
Ububo wozo wasililila wabutwe
nobe amanwe Mwana wa Kalaga.

Matayo 17:5

Gabezaga esatenda, kimpa kye-
nga nunse kyabakukide. Iyuki
lyatukile mu kimpa lyatendile bu-
ne: Wono eli Mwana wane, u
Ngoli zane. Nakomana nage. Mu-
ngwililazi.

Bakolosai 2:9

Kubuno mu mubili wage (Yesu
Kristo) muli kuzinidlila kunsania
kwa Kalaga.

Yesu Akutubula bune eli nazi

Yoane 8:23

Yesu ababwide bune: Muli ba kisi, tondo Inne nili wa kwigulu. Muli ba kisi kikino, tondo Inne nsili wa kisi kikino.

Yoane 11:25

Yesu amubwide bune: Nwinne tondo, nili iyukilo nu kalamo. Wozo wankatizia aba ndi akwa, nti alame.

Yoane 6:35

Yesu ababwide bune: Nili mukate wa kalamo. Wozo wavwa kundi ntakakwa na nzala, nu wozo wankatizia ntakakwa na mpusia lingo.

Yoane 9:5

Nkungu zinikili mu kisi nili kyengi kya kisi.

Yoane 13:13

Mukummana Mukota nu Musozi, nu bubo buligo, kubuno u bubo bunili.

Yoane 8:58

Yesu abakwide bune: Lebelebe nkumubula bune: Lwabusio Iwa Abrahamu ntebutwa, nti Inne nili.

Yoane 10:7

Yesu atendile lingo bune: Lebelebe nkumubula bune: Inne nili Iwibi Iwa mukumba wa mikoko.

Luka 5:5, 6

Nu Simo amwakwide bune: Mukota, twisaga tukila mu kindi kinsania, tondo tatwakatile keina. Tondo kwiyuki lyobe nkwisa kakila lingo. Gabakitile bubo bei- tile byena bingi, nu kakila kabobatikile.

Matayo 14:19-21

Nu akakizizie musanganano kwikala ga bisugu. Kumbusa aka- tile mikate itano nu byena bibili, nu agalamine kwigulu nu ku- bisegela nu kubiketula. Abikasile ku begisibwa bage, nu babika- sene ku bantu ba musanganano. Babo bansania balile nu bembu-

kile, nu basongezie mbobu zasiga- la zizazizie nzi ikumi nwibili. Ba- bo bansania baliaga babezaga ba- mulume tununu tutano, nu baki- kulu nu bana tabaganzilwe.

Matayo 20:30 nu 34

Bamulume bobili babezaga byuku babezaga mu ntungo za nzila. Gabongule buno Yesu esa- tinga balalukile bune: Mukota, mwana wa Davidi, tukwe kyo- mbo... Nu Yesu abakwilide kyo- mbo, nu eitubizie ku meiso mabo, nu kazanga kongo bamonine, nu bamuyangile.

Yesu Kristo eli Mubumbi nu Mukota

Baebelo 1:2

Kalaga . . . mu bindi bibino bya kuzinda atendile kutuli mu mwanana wage, wabikile kuba mupyeni wa binsania, nu lingo nage abumibile kisi.

Baroma 14:9

Ku kabamba kakano Kristo akule nu ayukile nu kulama lingo, buno abe Mukota wa bakuzi nu balami.

Bakolosai 1:16

Kubuno abumbile binsania, bibyo bili mwigulu nu bibyo bili mu kisi, bibyo bikumonekako nu bibyo bitakumonekako, ndi bili bisumbi bya bukota, aba makota,

aba mangato, aba magala. Binsania byabumbilwe nage, nu ku kabamba kage.

Yoane 1:3

Nuwe akitile binsania. Takuli kimozi kyakitilwe kitakitilwe nage.

Misako 2:36

Ububo Baisraeli bansania bamenye buligo buno wozo Yesu umwatakile, Kalaga amubikile kuba Mukota nu Kristo.

1 Bakorinto 1:9

Kalaga eli mukatizibwa nunse, wamumanine ku mugomio wa Mwana wage Yesu Kristo Mukota weitu.

Baroma 14:10

Tondo kubuni ukusungia mubuto wobe? Kubuni ukubenga mubuto wobe? Kubuno iswe bansania tukatulilwa Iwabusio Iwa Kristo.

Matayo 25:32

Nu babilongo bansania bakkundamana Iwabusio Iwage, nu akabalongania anga bukulongania mulangi mikoko nu mpene.

2 Timote 4:1

Nkukukakizia Iwabusio Iwa Kalaga nu Yesu Kristo, ukusungia balami nu bakuzi mu nkungu za kumoneka kwage nu bukota bwage.

Baroma 2:16

Mu busi bubo bwakasungia Kalaga tukungu twa bantu, na Yesu Kristo anga bukwigisia musagu wane musoga.

Misako 10:42

Nu atukakizizie buno tusamble bantu nu kulongeka buno U Wozo wabikilwe na Kalaga buno abe ngatu za balami nu bakuzi.

Luka 3:17

Nu eli na Iweli Iwage mu kuboko kwage, nuwe akengia mulungu wage nunse, nu akabika mumpunge wage mu kigenge kyage, tondo akagisia mpepa na keiya katakuzimaga.

Bukuluzi buli mu Yesu Kristo tugu

Yoane 10:9

Inne nili Iwibi. Wozo wingile kundi, nti onibwe. Akwingila nu kubasa nu kumona idia.

Yoane 14:6

Yesu amwakwide bune: Nili nzila nu bulili nu kalamo. Muntu ntanabasa kuli Tatane ndi ntbasila mundi.

Baebelo 5:9

Nuwe gasililizibwe, abede mulongeki wa Ionio ku bantu bansania bekumwanza.

Yoane 8:24

Ku kabamba kako namute-ndile buno mukakwa mu bwagi bweinyu. Ndi tamwakatizia buno

nili Wozo, nti mukakwa mu bwagi bweinyu.

Baebelo 7:25

Ku bubuno We akuvwama konia nunse babo bakukunda Kalaga mweli, kubuno akulamaga bindi binsania kubasegela.

Misako 4:12

Nu takuli Ionio muungo, kubuno takuli lingo izina kunsi kwigulu, lyakasilwe munkantini mwa bantu lyatutunganana konibwa nalyo.

1 Watesalonika 5:9

Kalaga ntasombwede buno tsungibwe, tondo tonibwe mu Mukota weitu Yesu Kristo.

Bakolosai 1:12-14

Tukusima Tateiswe watuswagizie buno tube na bupyeni bwa bawagibwa mu kyengi, watonezie ku bwangato bwa kapilo nu kuttingizia mu bukota bwa Mwana wakutunda.

1 Bakolinto 1:30

Tondo kweli inywe museli mu Kristo walongekilwe na Kalaga kuba menge kutuli, nu kwisana na nu kuswagibwa nu bukuluzi.

Kulolesibwa 5:9

Nu beimbaga Iwimbo luto bune: Watananina kukata mukanda nu kutikya tumenyikilo twago, kubuno witilwe nu wakunzide

Kalaga bantu ba bilongo binsania nu ba mitendezi insania nu ba bikanga binsania nu bikalo binsania, na mikila zobe.

Tito 2:14

Wikasene ku kabamba keitu, buno atonie ku bubi bunsania, nu kwengia bantu babe bage nubo babe na komanizia ka kukita misako misoga.

Luka 19:10

Kubuno Mwana wa Bantu avule kulonda nu konia babo bazi-mina.

Waroma 3:24

Bekubingibwa geteli kabamba ku mponga zage mu bukuluzi buli mu Kristo Yesu.

10 Bukulumania buli mu mikila za Yesu Kristo

Baroma 5:9

Kano kaluma twasila kubingi-bwa na mikila zage, nu kwitila nunse tukonibwa ku bongoa mweli.

1 Yoane 1:7

Tondo ndi tukwenda mu kyengi, anga bweli mu kyengi, nti tukugomanagia bweitubweitu, nu mikila za Yesu Mwana wage zikutwengia ku bwagi bunsania.

1 Petro 1:18, 19

Kubuno mwizi tamwakulwidwe ku misako mibi zimwakatile ku basoeinywe na bikubigaga anga feza nu olo, tondo mwakulwidwe

na mikila za Kristo zili za buku-nza bubibu, anga za mwana wa mukoko uteli neitondoki aba kyu-lu.

Baefeso 1:7

Mweli tuli na bukuluzi mu mi-kila zage, u isigililo lya bwagi bweitu, anga bwingi bwa mponga zage.

Baebelo 9:14

Kristo, wabezaga geteli itondo-ki, ikasene ku Kalaga na Muuza Wasililila utanakuzinda. Embe li-no mikila zage zikengia nunse kalenganio keinyu ku makitilo makulusia lukuo buno mukitile Kalaga uli Mulami.

Baefeso 2:8, 9

Kubuno monezibwe na mponga mu nzila za bukatizio, nu bubuno tabwatukile kumuli mbenyene, buli lukaso lwa Kalaga. Taluli ku makitilo buno unsania anavwa kwikaka.

Baroma 5:1

Ububo twasila kubingibwa na bukatizio. Tuli na bubobelelo na Kalaga mu Mukota weitu Yesu Kristo.

Bagalatia 5:6

Kubuno mu Yesu Kristo kumonesibwa aba kutamonesibwa takuli keina, tondo bukatizio buli na magala nu lutundo.

1 Yoane 5:4

Kubuno unsania wabutilwe na Kalaga akukindaga kisi, nu bubuno buli bukindi bukukindaga kisi, u bukatizio bweitu.

Yoane 20:31

Tondo mamano masanzilwe buno mukatizie buno Yesu eli Kristo Mwana wa Kalaga, nu mu kukatizia mube na kalamo mwizina lyage.

Yoane 6:28, 29

Bamubuzizie bune: Buni butunakita buno twakita makitilo ma Kalaga? Yesu abakwide bune: Mulimo wa Kalaga u wono — Mukatizie wozo wasingile.

Malilo 3:22, 23

Lutundo Iwa Mukota Kalaga talukusila nunse, kubuno kyombo kyage takida. Bili bito nindundi na nindunindu. Uli mulemanizi nunse.

Tito 3:5

Atonezie, ta ku misako zeisanana zitwakitile, tondo ku kyombo kyage kyatukwilide, na kutwengia kwa kubutwa lingo nu kuba bato na Muuza Wasililila.

Mika 7:18

Nazi uli Kalaga anga Uwe, ukusigilila bantu bwagi nu kusigilila bantu bage bakusigala kabenga kabo? Ntakusigala na bo-

ngoa bwage ku milyalya, kubuno akubogaboga na kyombo.

Lwimbo 108:4

Kyelamo kyobe nu bulili bwo-be bili binene anga bwasakama igulu.

Lwimbo 103:17

Tondo lutundo Iwa Mukota Kalaga luli Iwa milyalya ku babo bekumukwa boba, nu kwisanana kwage ku bayukulu babo.

Lwimbo 103:11

Anga bwasakama igulu kutinga kisi, ububo lutundo lwage luli lunene ku babo bekumukwa boba.

Matayo 11:28

Inywe bansania bakukita mulo munene nu beli na mizigo mizitu, vwazi kundi, nwinne namumuzie.

Isaya 55:1

Inywe beli na mpusia, ungwililazi nu vwazi ku mazi, aba nwyne tabeli na feza, vwazi kunkuza mukate nu kulia, ee, vwazi mukunze mazi ma biguma nu mabele geteli feza nu geteli bukunza.

Yoane 7:37

Busi buzinda bwa kisagulo bwabezaga busi bunene bwakyo. Busi bubo Yesu emanine Iwabuso Iwa bantu nu alalukile bune:

Ndi muntu eli na mpusia, nti avwe kundi nu anwe.

Kulolesibwa 22:17

Nu Muuza Wasililila nu mukikulu wasongwa bekutenda bune: Vwazi. Nu wozo ukungwa atende bune: Vwazi. Nu wozo uli na mpusia avwe, nu wozo ukutunda anwe mazi ma kalamo geteli bukunza.

Isaya 1:18

Mukota Kalaga akubula bune: Vwazi, tukalazi Iwango gamozi. Ndi mibi zeinyu zakisimana nunsse, zenge anga mpemba, aba ndi zakisimana anga bendela zabe anga mioza zenga za mukoko.

Kubuno bansania bakusondelezibagwa na Muuza wa Kalaga beli bana ba Kalaga, kubuno tamwakasilwe muuza wa bukobe ukulusagia boba, tondo mwakasilwe muuza wa kuba bana, nu nage tukulilaga bune: Tateiswe, Tateiswe. — Baroma 8:14, 15

2 Bakolinto 6:17, 18

Ku bubuno tukazi kubeli, mulikanukibwe nabo, bubo ubukutenda Mukota Kalaga, nu tamwitubie ku kinsania kili nsese, nwinne namusekele, nu nabe soeinywe, nwinywe mwabe bana bane bamulume nu bamukazi, bubo ubukutenda Mukota Kalaga mwiya magala mansania.

1 Yoane 3:10

Bana ba Kalaga bamonekako, nu bana ba Satana bamonekako mu nzila zeno: wozo utakukitaga bwisanana nteli wa Kalaga, aba nu wozo utakutundaga mubuto wage nteli wa Kalaga.

Yoane 1:12

Tondo bansania bamusekede nu kumukatizia abakasile bwangato kuba bana ba Kalaga.

Buno mube bana ba Kalaga beteli na kabalibango nu bwengelezi, geteli katati, mu kibuti kibi kyalubikana. Munkantini mabobo mukumoneka kuba kyengi mu kisi. — Bafilipi 2:15

Bagalatia 5:19-21

Kano kaluma misako za bumba bwa bantu zikumonekako, uzeno: butazi, nse, nsoni, kukumbamina nkisi, buganga, lusombo, nsake, lug, bongoa, myango, kulekanuka, misona, kukwa na maku, buliangundu, nu bitondo byasusania bibino. Nkumukengelesiabyo, anga bunamukengelesizie buno babo bakukita bitondo bya lukita luluno tabakapyena bukota bwa Kalaga.

Baroma 13:13, 14

Tutabange mu bulili, anga mu musi, ta ku buliangundu nu kukwa na maku, ta ku butazi nu kabenga, ta ku nsake nu lug, to-

ndo muvwale Mukota Yesu Kristo nu tamulongekele bumba bweinyu bwa bantu munavwa kwanza ntundo zabo.

Misumo 23:31, 32

Ntutunde maku kungwa meli meituba, nu makusasa mu kituma nu meli makali ku kanwa. Ku kuzinda makutoa anga nzoka, nu meli na lubaba lukali anga mponma.

Isaya 5:11

Kabebe ku babo bakuyuka lukesikesi buno balonde maku, nu ku babo bakwizizie namo busi bunsania nu kindi aba nu maku meli anga keiya munda mwabo.

Matayo 22:37, 38

Yesu amubwide bune: Tunda Mukota Kalaga kobe na mutima wobe unsania, na makengelo mobe mansania, nu na bumenyani no bwobe bunsania. Ikakizio lino lili linene nu litangi.

Marko 10:17-22

Musozi musoga, nikite buni bu no nimone kalamo katanakuzinda? Yesu amwakwide bune: Ku buni ukummana musoga? Tomo zi musoga, tugu Kalaga wenyene. Wizi makakizio: Ntwite muntu, ntukite butazi, ntwibe, ntweke buza, ntwengelele muntu, anza so nu nyoko. Wozo muntu a-

mwakwide bune: Musozi, kutuki la bwana bwane nkwanzaga makakizio mamo mansania. Yesu amulolile na lutundo, nu amutendile bune: Wida kimozi tugu. Enda kukunzia byuli nabyo nu kasa bikulo ku bazambi, nuuwe nti wabe na bikulo mwigulu. Kumbusa vwa nu nyange. Tondo gongule wamulume ku bubo, aka ndile malanga mage, nu endile na kabebbe kanene, kubuno abeza ga mugumi nunse.

Misumo 16:25

Muntu anakengela nzila imozi zili nsoga, tondo kuzinda kwazo kuli lukuo.

Baefeso 5:6

Muntu ntamwengelele na moki meli buliabulia, kubuno ku kamba ka bitondo bibino Kalaga akongelwa bantu bakunana.

1 Bakorinto 6:9, 10

Ndi tamwizi buno bateisanana tabakapyena bukota bwa Kalaga? Tamwengelelwe. Bitazi, aba bakukumbaminaga nkisi, aba beiti ba meiga, aba beli bamulume tondo basusania bakikulu, aba akwibigia na bulume bwabo, aba beibi, aba bekutonya, aba banuzi ba maku, aba balingani, aba bakukangaga tabakapyena bukota bwa Kalaga.

Yakobo 1:22

Tondo mube bakiti beidagi, tondo ta bongwilizi tugu, muniyengelela.

1 Yoane 3:7, 8a

Bana bane bakeke, muntu ntamwengelele. Ukukitaga bwisana eli wisanana, anga bweli wisana. Wozo ukukitaga bwagi, nti eli wa Satana, kubuno wozo Satana akukitaga bwagi kutukila mu kulinga.

Bagalatia 6:3

Kubuno ndi muntu eli mukeké tondo akwikaka buno eli munene, nti eiyengelela.

Baroma 5:12

Kubuno ku muntu umozi bwagi bwingide mu kisi, nu ku bwagi lukuo, ububo lukuo Iwabaside bantu bansania, kubuno bansania bagile.

Misumo 11:19

Wozo ukwikokomezia mu kisanana eikale mulami, nu wozo ukukokomezia mu kukita bwagi akwe.

Baroma 8:6

Kubuno kukengelaga bitondo bya mibili kuli lukuo, tondo kukengelaga bitondo bya Muuza Wasililila kuli kalamo nu bubo-belelo.

Ezekieli 18:20

Muntu ukwaga akwe. Mwana nteke lusungio Iwa bwagi bwisi, aba isi nteke lusungio Iwa bwagi bwa mwana. Kwisanana kwa muntu wisanana kwabe kweli, nu bwagi bwa muntu ukwaga bwabe kweli.

Luka 15:32

Bwatutunganana kuba na kisagulo nu kubogaboga, kubuno wono muto wobe wakule alama lingo, azimine tondo amoneka.

Yakobo 1:15

Ndi lutundo lubi Iwetile nti Iwalusia bwagi, nu ndi bwagi bwetila, nti bwaluta lukuo.

Yoane 11:43, 44

Gasilile kutenda bubo, alalukile neiyuki inene bune: Lazalo, basa. Wozo wabezaga mukuzi abasile, agondwa maboko nu magulu na nsulu, nu kitambala ku meiso. Yesu abakakizizie bune: Mukandulazi, nu mumusige eiyendele.

Yoane 10:17, 18

Tatane akunelama kubuno nkukasana kalamo kane buno nikatole lingo. Tomozi unatola kalamo kane, tondo nkukakasana ku lutundo lwane. Nili na bwangato bwa kukakasana, nu nili na bwangato bwa kukatola lingo. Ububo bwankakizizie Tatane.

Kulolesibwa 1:18

Nili wozo ukulamaga. Nabezaga nakwa, tondo nkulamaga ku nkiko na nkiko zitanakuzinda, nu nili na fungula za lukuo nu za kiziki kya bakuzi.

Luka 14:15a

Nu asigelede nu eitubizie sanduku, nu baziekaga bemanine. Abwide bune: Musikila, nkukubula bune: Zanzuka. Wozo wakule ayukile nu alingile kutenda.

Yoane 5:21

Anga bukuyukya Isi bakuzi nu kubakasa kalamo, ububo Mwana nuwe akukasa kalamo ku babo bakutunda.

Kutenda lingo milembe 5:7-21

Tamube na tungo tulaga, Inne tugu.

Tamwikitile nkisi ku kinsania kyampa mwigulu aba mu kisi aba mu mazi. Tamuzikumbamine aba kuzikitila ...

Tamulumbile izina Iya Mukota Kalaga keinyu bulia, kubuno Mukota asungie wozo muntu walumbile izina lyage bulia.

Langazi busi bwizinga bweinyu buno bwabe bwa Kalaga, anga bwamukakizizie Mukota. Kitazi

milimo zeinyu insania mu bindi mutuba ...

Anzazi so nu nyoko anga bwamukakizizie Mukota Kalaga keinyu ...

Tamwite ungo muntu.

Tamukite butazi.

Tamwibe.

Tamwekele muneinyu buza.

Tamutonye muneinyu mukikulu wage, aba numba zage, aba isoa lyage, aba mukiti wage, aba ngombe zage, aba mpunda zage, aba kinsania kili kyage.

Yobo 34:21, 22

Meiso ma Kalaga mekulola ku makitilo ma bantu, nu akumona ku masomaneno mabo mansania. Ntanabisamwa na bakiti ba bubi mu kapilo aba kilimelime.

Lwimbo 139:8 nu 12

Ndi nabakama kwigulu, nti uliko. Ndi nayikwa mu nsinda, nti ukummonako . . . Ee, kapilo takakukubisa kampa, nu kindi kili anga musi. Kapilo nu kyengi kili bumodzi kuguli.

Yeremia 23:24

Mukota akubuzia bune: Ndi kuli muntu unabisama buno nsyamumone? Mukota Kalaga aku-

buzia lingo bune: Ndi nsikwiyazia igulu nu kisi?

Misumo 15:3

Meiso ma Mukota Kalaga makulola kunsania kumona ku bantu ndi bakukita busoga aba bubi.

Luka 8:17

Kubuno takuli keina kabisilwe katakabisulwa, nu takuli katendagwa ku kakungu katakongubwa bwasibwasi.

Waebrania 4:13

Takuli kibumbwa kitakumonekako, tondo binsania bili bwasi nu bikumonekako na wozo gutukitila.

Lusungio Iwa milyalya Iwa babi

Matayo 13:41, 42

Mwana wa bantu akasinga bamaika bage, nubo bakatikya mu bukota bwage bansania bakubenga nu babo bakukita bubi, nu bakabeisa mu kiziba kya keiya. Mukyo mukaba idilo nu kubuga meinyo.

Lwimbo 9:17

Bagi bakasubia ku kiziki kya bakuzi, nu ba bilongo bansania bakwibilila Kalaga.

Matayo 18:8

Ububo ndi kuboko kwobe aba kugulu kwobe kwakwinia mutima, nti wakusesa nu kukwisa bulazi nobe. Buli busoga nunse ku-

guli kwingila mu kalamo geteli kuboko aba kugulu kumozi kutinga kuba na maboko nu magulu mabili nu kwiswa mu keiya katanakusila.

2 Petro 3:7

Tondo igulu nu kisi biliko kanoo kaluma bikulangwa neidagi lilyo, buno bikubikwa mu keiya mu busi bubo bwa lusungio gakisungibwa bantu batanza Kala-ga.

Matayo 25:46

Nu bantu babano bakenda mu lubabazio lutanakuzinda, tondo beisanana bakenda mu kalamo katanakuzinda.

Lusungio lukavwa

Kwalongkedwe bantu kukwa limbizi limozi, nu kumbusa kwalo nti kusungibwa. — Baebelo 9:27

Kulolesibwa 22:12

Ungwililazi, nkavwa kitangalabesi, nu nili na nkalilo zane za kukasa ku muntu na muntu Iwage, anga bwakitile.

2 Petro 2:9

Mukota Kalaga eizi konia bawkanzaga Kalaga ku malindiko, nu kulanga bateisanana aba nu ku busi bwa kubasungia.

2 Bakolinto 5:10

Kubuno twatunganana bansania kwemana Iwabusio Iwa kisumbi kya Kristo buno tulindikwe,

buno muntu na muntu akate lukalilo lugezie misako zakitile, ndi misoga aba mibi.

Misako 17:31

Kubuno asombwede busi bwasungia kisi mu bwisanana na wozo muntu wasombwede. Alolesizie bantu bansania buno buligo, kubuno amuyukizie ku bakuzi.

1 Yoane 4:17

Ku bubuno lutundo Iweitu Iwasililwa, buno tube na bupuka mu busi bwa lusungio, kubuno mu kisi kokino tukumususania.

Baroma 14:12

Ububo iswe bansania, na muntu na muntu wenyene akasambala ku Kalaga misako zage.

Mponga za Yesu Kristo

Baroma 5:15

Tondo lukaso taluli anga bwa-bezaga bwagi. Ku kabamba ka bwagi bwa muntu umozi beingi bakule, tondo mponga za Kalaga zikutinga nunse, nu lukaso Iwiti-de ku beingi mu mponga za wo-zo muntu Yesu Kristo.

Baroma 9:16

Takikutuka ku kusombola kwa muntu aba ku misako zage, tondo ku kyombo kya Kalaga.

1 Petro 5:5b

Kubuno Kalaga akutobagya beli na Iwikotio, tondo akukitila-ga babo bekwibotia mponga.

2 Bakorinto 8:9

Kubuno mukumenya mponga za Mukota weitu Yesu Kristo, buno abezaga mugumi, tondo abede muzambi ku kabamba kei-nyu, buno mugume ku buzambi bwage.

2 Bakorinto 9:15

Kalaga asimwe ku lukaso Iwage lunene lutanaavwama kusole-lwa nunsania.

Misako 4:33

Basingwa basambalile iyukilo lya Mukota Yesu na magala manene nubo bansania babezaga na mponga nnene.

Misako 17:30

Kalaga ntalolaga ku nkungu zeno za bukongolo, tondo kano kaluma akukakizia bantu bansionia ba kisi kinsania buno beiyanie.

Matayo 3:2

Iyaniazi, kubuno bukota bwa kwigulu buse bwigi.

Luka 13:3

Nkumubula bune: Tabubo, tondo inywe, ndi tamwiyania, nti mwazikibwe, anga bubazikizibwe.

Misako 2:38

Nu Petro abakwide bune: Iyaniazi nu mubatizibwe, na muntu

na muntu mwizina lya Yesu Kristo buno mwasigililwe bwagi bweinyu, nu mwakaswe lukaso lwa Muuza Wasililila.

2 Bakorinto 7:10

Tondo kabebe kakutuka ku Kalaga kakulusagia kwiyania, nu kwiyania kukulusagia Ionio lutanakwibezia. Tondo kabebe kakutuka ku kisi tugu kakulusagia luko.

Misako 3:19

Ububo iyaniazi nu mugaluke, buno bwagi bweinyu bwazimibwe gakavwa nkungu za kumuna zatuka ku Mukota Kalaga.

Misako 5:31

Kalaga asakikile wono kwise-dume lyage buno abe Mwangati nu Monia, buno akase ku Bais-raeli kwiyania nu kubasigilila bwagi.

Ezekieli 18:21

Tondo ndi mwagi agaluka kutuka mu bwagi bwage bunsania bwakitaga, nu kulanga milembe zane insania, nu kukita bulili nu kwisanana, lebelebe alame, ntakwe.

Isaya 55:7

Muntu mubi asige nzila zage, nu muntu uteisanana asige make-ngelo mage, nu asubie ku Mukota Kalaga keitu, nuwe nti amu-

kwe kyombo, kubuno amusigili-le nunsania.

Matayo 6:14

Kubuno ndi mukusigilila bantu bwagi bwabo, Soeinywe uli mwigulu, nuwe nti amusigilile bwagi bweinyu.

Marko 2:5

Gamonine Yesu buno bakatizzie nunse, atendile ku kitunga bune: Mwana wane, wasigililwa bwagi bwobe.

Misako 13:38

Mibuto zane, menyazi buno na muntu wono mukusambali-lwa kusigililwa kwa bwagi bweinyu.

Tito 2:11, 12

Kubuno mponga za Kalagazikulusia lonio ku bantu bansania zamenyininwe, nuzo zikutwigisia buno tusombe bubi nu ntundo za kisi, nu tulame mu kwisungula nu mu kwisanana nu mu kwanza Kalaga mu bindi bibino.

Baefeso 5:11

Nu tamugomie na makitilo ma kapilo mataswaga, tondo mumazugile.

1 Yoane 2:15, 16

Tamutunde kisi, aba bitondo bili mu kisi. Ndi muntu atunda kisi, nti lutundo Iwa Tateiswe taluli mweli. Kubuno binsania bili

mu kisi, u ntundo za mibili, nu ntundo za meiso, nu Iwikotio Iwa kalamo, tabikutuka ku Tateiswe, tondo bikutukaga ku kisi.

Isaya 1:16

Ogazi, engiazi, menkazi bubi bwa makitilo meinyu Iwabusio Iwane, sigazi kukita bubi.

Bakolosai 3:2

Kengelazi bitondo bili kwigulu, ta bitondo bili mu kisi.

Yakobo 4:4

Inywe bitazi, ndi tamwizi buno wozo uli kilemba kya kisi, nti asomba Kalaga? Unsania ukuba kilemba kya kisi, nti eli musombi wa Kalaga.

Ezekieli 36:26

Lingo namukase mutima muto,
nu nabike mumuli muuza muto.
Natikye mumuli mitima zili anga
ikozi, nu namukase mutima wa
bantu.

1 Yoane 2:29

Ndi mwizi buno eli wisanana,
nti mwizi lingo buno na muntu
na muntu akukitaga bwisanana
abutilwe nage.

1 Yoane 5:18

Twizi buno unsania wabutwa
na Kalaga ntakukitaga bwagi, to-
ndo wabutwa na Kalaga akwida-
ngaga, nu wozo mubi ntetubia
kweli.

Yoane 3:3

Yesu amwakwide bune: Nku-
kubula bulili, ndi muntu ntabu-
twa limbizi lya mabili, nti nta-
kamona ku bukota bwa Kalaga.

1 Petro 1:23

Mwabutilwe limbizi lya ma-
bili, ta na bibyo bikubigaga, to-
ndo na kitakubigaga, u idagi lya
Kalaga likulama nu kwizizia ku
milyalya.

2 Wakolinto 5:17

Ububo, ndi muntu eli mu Kri-
sto, nti eli kibumbwa kito. Byage
bya wakalazi byatingile, nu bin-
sania bise bito.

Baefeso 2:1 nu 6

Nwinye mwalekanukile na Kalaga, anga bakuzi, mu bwagi nu mibi zeinyu... tondo Kalaga... atulamizie gamozi na Kristo, nu atuyukizie gamozi nage, nu atwikazizie gamozi nage mwigulu mu Kristo Yesu.

Bakolosai 3:1

Ndi mwayukizibwe na Kristo, londazi bitondo bya kwigulu, ku ko kwikalaga Kristo kwidume kwa Kalaga.

1 Petro 2:24

Wenyene ekile bwagi bweitu mu mubili wage ku musalaba,

buno tulekane ku bwagi nu kula-maga ku kwisanana, kubuno mo-nezibwe na kulibulwa kwage.

Wakolosai 2:13

Nwinye mwabezaga mwale-kanukibwa na Kalaga ku kabamba ka bwagi bwenyu nu kutamonesibwa mu mitima zeinyu, mu nkungu zezo amulamizie na Kristo. Atusigilide bwagi bunsania.

Baroma 6:2 nu 11

Iswe twakule ku bwagi, buni butunalamama lingo mubo? Bubo nwinye kengelazi buno mwa-kule ku bwagi, tondo muse bala-mi ku Kalaga mu Kristo Yesu.

Bagalatia 6:8

Kubuno we ukukitilaga mibili akakaswa lukuo na mibili wage, tondo wozo ukukitilaga Muuza Wasililila akakaswa kalamo katanakuzinda na Muuza Wasililila.

Yoane 3:14, 15

Anga bwasakikile Musa nzoka geiyango mu kalula, anga bubo Mwana wa bantu atunganana kusakikwa buno muntu unsania wamukatizia abe na kalamo katana-kuzinda.

Yoane 17:3

Kakano u kalamo katanakuzinda buno bakumenya Uwe Kalaga ka lebelebe nu kumenya Yesu Kristo uwasingile.

Yoane 3:36

We wakatizia Mwana eli na kalamo katanakuzinda, tondo we utakatizia mwana ntakamona kalamo kako, tondo bongoa bwa Kalaga buli gantata gage.

Baroma 6:23

Kubuno lukalilo iwa bwagi luli lukuo, tondo lukaso iwa Kalaga luli kalamo katanakuzinda mu Yesu Kristo Mukota weitu.

Yoane 5:24

Lebelebe nkumubula bune: Wozo ukungwa kwidagi lyane nu kukatizia wozo wansingile eli na kalamo katanakuzinda. Ntakasungibwa tondo asila kutuka ku lukuo nu kwingila mu kalamo.

Isaya 32:17

Kwisanana kukukitaga bubobelolo, nu kuzinda kwa kwisanana kuli kubota nu kilemanizio nunse.

Bagalatia 4:6

Nu kubuno muli bana, Kalaga asingile Muuza wa Mwana wage mu mitima zeinyu, nu mu-mo akutenda bune: Tatane, Tatane.

Baroma 8:16

Muuza Wasililila wenyene akutendaga ku mitima zeitu buno tulii bana ba Kalaga.

Wozo wamenya makakizio mane nu kumanza u wozo wantunda. Tatane akutunda wozo wantunda,

nu namutunda nu kwidolesia kweli. — Yoane 14:21

Bana bane bakeke, tutundane mu makitilo nu mu bulili, ta na moki tugu aba ku kutenda. Uubo tukumenya buno iswe tuli bantu ba bulili, nu bubo tukulindia mitima zeitu Iwabusio Iwage. — 1 Yoane 3:18, 19

1 Yoane 4:13

Atukasene Muuza Wage. Uubo tukumenya buno tukwikalaga mweli, nuwe mutuli.

Nu ndi tukwanza makakizio mage, nti twamenya buno tu-mwizi. — 1 Yoane 2:3

Kristo munda mweitu akutubogiabogia

Yoane 17:13

Tondo kano kaluma navwa kuguli, nu nkutenda bubo nkungu zinkili mu kisi, buno mbogimbo-gi zane zizazibwe mubeli.

Baroma 14:17

Kubuno bukota bwa Kalaga tabuli mu kulia nu kunwa, tondo mu kwisanana nu bubobelelo nu mbogimbogi mu Muuza Wasili-lila.

Bagalatia 2:20

Natakilwe ku musalaba gamozi na Kristo. Tondo nkulama, aba tanne lingo, tondo Kristo akulamaga mundi. Kano kaluma kalamo kankulamaga mu mubili keli

mu kukatizia Mwana wa Kalaga, wantundile nu eikasene ku kabamba kane.

Isaya 12:3

Na mbogimbogi mwatage mazi mu tunwabalongo twa lonio.

Yoane 15:11

Namutendile bubo buno mbo-gimbogi zane zibe mumuli, nu mbogimbogi zeinyu ziyazie mitima zeinyu.

Lwimbo 16:11

Ukandolesia nzila zikusonde-lezia ku kalamo. Lwabusio Iwobe luli mbogimbogi nunse. Ku kuboko kwobe kuli kyelele kitanakusila.

1 Samwele 12:15

Tondo ndi tamwanza iyuki lya Mukota Kalaga nu mwanana makakizio mage, nti Mukota Kalaga asake neinyu anga bwasakile na basoeinywe.

Baroma 6:16

Ndi tamwizi buno muli bakobe ba wozo umukwanzaga? Ndi mukwanza bwagi, nti mwakwe, tondo ndi mukwanza Kalaga, nti mwabe beisanana.

Kutenda lingo milembe 11:26-28a

Lolazi, nabika Iwabusio Iweenyu mponga nu kiswililo. Ndi mungwilila makakizio ma Muko-

ta Kalaga makumukakizia lelo, nti mponga kumuli, tondo ndi ta mungwilila makakizio ma Mukota Kalaga keinyu, nti kiswililo kumuli.

2 Batesalonika 1:7-9

Nwinywe bakwitibwa na kabebé akamumusia gamozi neiswe gakamonekako Mukota weitu Yesu Kristo na bamalaika bagé ba magala. Akasungia mu ndembela za keiya babo beiteizi Kalaga, u babo batanza musagu musoga wa Mukota weitu Yesu Kristo. Bakababazibwa na lukuo lutankuzinda u kulekanukibwa na Mukota nu lutanuno Iwa magala mage.

Bafilipi 2:11

Nu buno na lulami na lulami lukeitabizia buno Yesu Kristo eli Mukota buno Kalaga Tateiswe aganunwe.

Matayo 10:32, 33

Umpanga muntu unsania ukantabizia ku bantu, nwinne lingo nkamwitabizia ku Tatane uli kwigulu. Tondo muntu unsania ukantuna ku bantu, nwinne lingo nkamutuna ku Tatane uli kwigulu.

Baroma 10:9, 10

Buno ndi witabizia na kanwa kobe buno Yesu eli Mukota, nu ndi wakatizia mu mutima wobe

buno Kalaga amuyukizie ku bakuzi, nti ukonibwe. Kubuno mu mutima wage muntu akukatizia ku kwisanana, nu na kanwa akwitatibia nu konibwa.

1 Yoane 2:23

Muntu unsania watuna Mwana, nti nteli neisi, nu muntu unsania witabizia Mwana, nti eli neisi.

Luka 9:26

Kubuno muntu unsania ankwaga nsoni aba malagi mane, nti Mwana wa bantu akamukwa nsoni gakavwa mu lutanuno lwage nu Iweisi, nu Iwa bamalaika basililila.

1 Petro 5:8

Idangazi, kesiazi ntende, kubuno mwiti weinyu Kaginga, anga simba zikuzuga, akutabanga mu kisi nu kulonda bantu buno ababigie.

2 Batesalonika 2:9

Wozo wavwe mu makitilo ma Satana nu magala mage mansania nu migeleko nu maganogano ma buza.

Matayo 4:1 nu 10, 11

Mu nkungu zezo Yesu asondelezizibwe na Muuza Wasililila mu kalula buno alindikwe na Kaginga... nu Yesu amubwide bune: Tuka bulazi, Satana, kubuno bwazanzilwe bune: Kumbami-

na Mukota Kalaga kobe, nu umukitile tugu. Kusila Kaginga amusigile, nu bamalaika bavule kuli Yesu nu bamukitide.

Baefeso 6:11

Zwalazi binsania bya bita bya Kalaga, buno mulinde ku bwenge bwa Kaginga.

Misako 26:18

Kuzibula meiso mabo, nu kubagalukia kutukila kapilo aba nu kubabasia ku kyengi, nu kubatikya ku bwangato bwa Satana buno bavwe ku Kalaga, buno basigililwe bwagi bwabo nu kukaswa bupyeni munkantini mwa babo baswagizibwe mu nzila za kunkatizia.

2 Batesalonika 2:8

Mu nkungu zezo wozo mwiya kabenga akalolesibwa. Mukota Yesu akamwita na muuza wa kawnwa kage, nu akamuzika na lutano lwage lwa kuvwa kwage.

Baebelo 2:14

Bana beli na mibili anga kikanga kyabo. Ububo we abede mu mibili, buno mu nzila za lukuo azikye wozo wabezaga na bwangato bwa lukuo, u Kaginga.

Baroma 8:35 nu 37

Nazi unatulekanukya na lutundo lwa Kristo? Ndi nsungio, aba mbabazio, aba nzala, aba bwela, aba bitondo bibibu, aba mwene wa nganda? Kilo, mu bi-

tondo bibino binsania twitila kukinda mu wozo watutundile.

Ububo anzazi Kalaga. Tobiazzi Kaginga, nuwe nti amutine. Kundazi ku Kalaga, nuwe amukunde. — Yakobo 4:7, 8a

1 Yoane 3:8

Wozo ukukitaga bwagi eli wa Kaginga, kubuno Kaginga akwagaga kutukila kulinga. Ku kambaba kakano Mwana wa Kalaga amonekileko, buno azikye maki-tilo ma Kaginga.

Marko 3:11

Nkungu zibamumonineko, basumbu bamugwilide nu balalukile bune: Uwe uli Mwana wa Kalaga.

Bagalatia 5:22, 23a

Tondo misako zikukitaga Muuza Wasililila zili lutundo, mbogimbogi, bubobelelo, nkiki, mponga, busoga, bukatizio, kubota, kwisungula.

1 Bakorinto 13:1

Ndi nkutenda ku mitendezi za bantu nu za bamalaika, tondo nsili na lutundo, nti nili anga nsubi zikuzuma aba kindanda kikugombwa.

1 Yoane 3:14

Twizi buno twatukile ku lukuo nu twingile mu kalamo ku buno tukutunda mibuto zeitu. Wozo watatunda mubuto eikile mu lukuo.

Yoane 13:35

Ndi mwatundana bweinyu-bweinyu, nti bansania bamenye buno muli begisibwa bane.

Yoane 21:16

Yesu amubuzizie limbizi lya mabili bune: Simo, mwana wa Yoana, ndi wantunda? Amwakwide bune: Ee, Mukota, wizi buno nakutunda. Yesu amubwide bune: Langa mikoko zane.

1 Yoane 4:20

Ndi muntu atenda bune: Natunda Kalaga, nu asomba mubuto wage, nti eli muza, kubuno wozo utatunda mubuto wage wamoneko, buni bwanatunda Kalaga watamonineko?

Tuli batemwe ku bansania bwakitaga mu kisi kya Bayuda nu mu Yerusalem. Bamwitile gabamututubizie misomali ku musalaba. Kalaga amuyukizie kumbusa kwa bindi bisatu, nu amulolesizie bwasibwasi, ta ku bantu bansania, tondo ku batemwe basombwedwe na Kalaga, aba nwiswe twalile nu twanune nage kumbusa kwayukile ku bakuzi.

— Misako 10:39-41

Yoane 20:26-28

Kumbusa kwa izinga limozi begisibwa ba Yesu bakundame ne mu numba, nu Toma abezaga nabo. Begalile nibi, tondo Yesu emanine munkantini mwabo, nu

abatendile bune: Bubobelelo kumuli. Nu abwide Toma bune: Bikika munwe wobe gano, nu lola makasa mane. Lambia ikasa lyobe, nu ulibike ku mpege zane. Ntube na myango, tondo kati zia. Toma amwakwide bune: Mukota wane nu Kalaga kane.

Baroma 4:25

Wakasenwe ku kabamba ka bwagi bweitu, nu wayukizibwe buno tubingibwe.

Marko 16:9

Gayukile Yesu ku bakuzi lukesikesi busi bwizinga, edolesizie tanga ku Maria wa Magadala, wozo wapumbizie Yesu basumbu mutubakamo mweli.

Matayo 16:21

Kutukila nkungu zezo Yesu alingile kuleolesia begisibwa bage buno atunganana kwenda ku Yerusalem, nu kubabazibwa na bakulu nu basankoga banene nu basozi, nu kwitwa nu kuyukibwa ku bindi bisatu.

Yoane 5:25 nu 28, 29

Lebelebe nkumubula bune: Nkungu zikuvwa, nu ziseli kano kaluma, gungwe bakuzi kwiyuki lya Mwana wa Kalaga, nu babo bongwe kulyo, nti balame... Tamwangame ku kokino kitondo, kubuno nkungu zikuvwa, nkungu za bakuzi bansania beli mu nsinda bongwe kwiyuki lyage nu bakayuka mu nsinda zabo. Babo bakitile busoga bakayuka ku kalamo, tondo babo bakitile bu-bi bakayuka ku lusungio.

Baroma 6:3-5

Ndi tamukamenya buno iswe twabatizizibwe mu Yesu Kristo twabatizizibwe mu lukuo Iwage? Ububo twayikilwe nage mu bubatizo mu lukuo Iwage, buno anga bwayukile Kristo mu lutanuno Iwisi, ububo nwiswe tutabangazi mu kalamo kato. Kubuno ndi twayikilwe gamozi nage mu lukita lwa lukuo Iwage, twayukibwe gamozi nage mu lukita lwa kuyuka kwage.

Kusililila kwa Kalaga

Luka 1:74, 75

Buno atukase buno twatuki-bwa ku bwangato bwa beiti bei-tu nti twamukitila geteli boba, mu kusililila nu kwisanana bi-ndi binsania bya kalamo keitu.

Basombwedwe na Kalaga Tat-eiswe kubuno abamenyine wa-kalazi mu kuswagibwa kwa Muuza Wasililila buno banze Yesu Kristo nu kukubulilwa mikila za-ge. Mponga nu bubobelelo bitali-kilwe kumuli. — 1 Petro 1:2

2 Timote 2:21

Ukinsa ndi muntu eiyengia na bibino, nti eli anga nyungu nsoga, muntu wasililila nu atananzie

Mukota nu eli kayikayika ku mu-limo unsania guli musoga.

2 Bakorinto 7:1

Batundwa bane, kubuno tuli na malagano mamano, twiyengiazi ku nsese insania za mibili nu za mutima, tuzindilizie kusililila kweitu mu kukwa Kalaga boba.

1 Petro 1:15

Tondo anga bwasililila wozo wamumanine, ububo musililile mu binsania bimukukitaga.

Ikokomezie buno utananzie Kalaga nu kuba mukiti wa mu-limo utakukwa na nsoni, kuki-taga neidagi lya bulili anga bwa-kulungana. — 2 Timote 2:15

Baefeso 1:4

Anga mu nkungu zabezaga kisi takiba, atusombwede mweli buno tube basililila beteli na kati Iwabusio Iwage mu lutundo.

Baebelo 13:12

Nuwe lingo, Yesu ababazizi bwe kwisula lya mwino, buno asililizie bantu na mikila zage.

1 Yoane 1:9

Ndi twigonga bwagi bweitu, we eli mukatizia nu eisanana nti atusigilile bwagi bweitu nu kutwengia ku binsania biteisanana.

Matayo 3:11

Lebelebe nkumubatizia na mazi kubuno mwiyania, tondo we

wavwa kumbusa kwane akamubatizia na Muuza Wasililila nu na keiya. Nsyakuka kweka bisalapata byage.

Isaya 35:8

Gago gabe nzila, u nzila nnene, nu zamanwe Nzila Zasililila. Unsania uli na nsese ntingile muzo, aba bikongolo tabingile muzo, tondo beisanana bende muzo.

2 Petro 3:11

Kubuno binsania bikazikwa mu lukita luluno, nwinywe mwatunganana kuba bantu ba lukita lukizi? Mwatunganana kwisana nu kwanza Kalaga nunse.

Bantu beiyala na Muuza Wasililila

Luka 11:13

Ndi inywe bantu babi mwizi kukasana bana beinyu nkaso nsoga, ndi Soeinywe uli mwigulu ntanitila kukasa Muuza Wasililila ku babo bakumusega?

Misako 11:24a

Abezaga muntu musoga, eiyla na Muuza Wasililila nu na bukatizio.

Misako 13:52

Nu beigisibwa beiyazizibwe na mbogimbogi nu na Muuza Wasililila.

Baroma 8:9

Tondo ndi Muuza wa Kalaga eikala mumuli, nti tamukuyanga lukita Iwa bantu, tondo Iwa Muu-

za. Ndi muntu nteli na Muuza wa Kristo, nti nteli muntu wage.

Ezekieli 36:27

Nu nabike mutima wane muli, nu kumwenzia ku milembe zane, nu mwalange makakizio mane nu kumakita.

Misako 4:31

Nu gabasilile kusega kiziki kibakundamene mukyo kyatengile-tengile, nu bansania beiyede na Muuza Wasililila, nu basambala-ga idagi lya Kalaga na bupuka.

Misako 1:8a

Tondo mwakaswe magala gamuvwile Muuza Wasililila, nwi-nywe mwabe batemwe bane . . .

Lwimbo 34:18

Mukota Kalaga eli bwigi na
babu bakubabalwa ku mutima.
Akonya babu bakwiyania mu mi-
tima zabo.

Isaya 66:2

Mukota Kalaga akutenda bu-
ne: Nakitile bibino binsania, nu
bintu bibino binsania byabede,
tondo nkulola ku muntu uli mu-
keke nu mwiya mutima wabungu-
ka nu ukugiliminaga gakungwa
kwidagi lyane.

Kulolesibwa 21:4

Nu Kalaga akanyonyona biso-
zi binsania ku meiso mabo, nu
takukaba lingo lukuo aba kabebe

aba idilo aba mbabazio, kubuno
binsania bitangi byatingile.

Lwimbo 37:3

Lemanina Mukota Kalaga nu
kita busoga, nu walamage mu ki-
si na bubobelelo nu walisibwe.

1 Petro 4:12, 13

Batundwa bane, tamwitangale
kwidindiko lili anga keiya liku-
mubasila nu likumugeleka, nu
tamukengele buno kili kitondo
kigene. Bogazibogazi kubuno mu-
kubabazibwe anga bwababazizi-
bwe Kristo, buno mukabogaboga
na kyelele gakalolesibwa lutanu-
no lwage.

Malagano masoga ku bakulindikwa

Baebelo 2:18

Kubuno we wenyene ababazizibwe nu kulindikwa, nu akuvwama kukasia babo bakulindikwa.

Baroma 16:20

Nu Kalaga ka bubobelelo akanyanta Satana kensi kwa magulu meinyu yiliyili.

Lwimbo 34:19

Kuli tubebe twangi ku beisana, tondo Mukota Kalaga akubonya ku tunsania.

1 Bakorinto 10:13

Takuli idindiko limukulindikwa litakulindikwa bango banto. Kalaga eli mulemaninwa, nu ntana-

ziga buno mulindikwe neidindiko limutanavwama kukinda, nu gamwalindikwe nti amukasie buno munalikinda.

Isaya 43:2

Gawatinga mu mazi, nti inne nabe gamozi nobe, nu mu nuzi tazakukokye. Gawaatabanga mu keiya, nti ntwagie, aba ngulumina za keiya tazakugisie.

Baroma 8:28

Nu twizi buno binsania biku-kita gamozi buno bibe bisoga ku babo bakutundaga Kalaga, u babo bamaninwe ku kusombola kwage.

Kulolesibwa 3:12

Nkubika wozo ukukindaga buno abe anga iyango mu numba za kukumbamina za Kalaga kane, nu ntakatuka mumo lingo, nu nkasanza kweli izina lya Kalaga kane, nwizina lya mwino wa Kalaga kane, u Yerusalem muto, ukagela gansi kutuka kwigulu ku Kalaga kane, nu nkamusanzila izina lyane ito.

Kulolesibwa 3:5

Wozo ukukindaga akavwali-kibwa nsulu zenga, nwinne nsikazimia izina lyage ku mukanda wa kalamo, tondo nkeitabizia izina lyage ku Tatane nu Iwabusio iwa bamalaika mage.

Kulolesibwa 3:21

Nkakasa wozo ukukindaga bwangato bwa kwikala gamozi nanne ga kisumbi kyane kya bukota, anga bunakindile nu neikede gamozi na Tatane ga kisumbi kyage kya bukota.

Kulolesibwa 21:7

Wozo ukukindaga akapyena bintu binsania, nwinne nkaba Kalaga kage, nuwe akaba mwana wane.

Kulolesibwa 2:7

Wozo uli na matuzi, ongwilile bukutenda Muuza Wasililila ku makanisa. Wozo ukukindaga, nkamulisia ku muti wa kalamo uli mu Paladiso za Kalaga.

Matayo 5:32

Nwinne tondo, nkumubula bune: Ndi wamulume unsania atikya mukikulu wage ndi ta ku kabamba ka butazi bwa mukikulu, nti akumusindika ku butazi, nu unsania anasonga wozo mukikulu, nti akukita butazi.

Baroma 7:2, 3

Kubuno mukikulu akandwa kwiba wage ku kalamo kage kansania, na milembe. Tondo ndi wamulume akwa, nti akandulwa ku milembe ziba wage. Ububo gakulamaga iba wage, ndi asongwa nongo wamulume nti amanwa kitazi, tondo ndi iba wage

akwa, nti akandulwe ku milembe zezo

Luka 16:18

Muntu unsania ukutikya mukikulu wage nu kusonga ungo, nti akukita butazi. Nu wozo wamulume ukusonga mukikulu watikibwa, nti akukita butazi.

1 Bakorinto 7:10, 11

Nkukakizia babo basongene, tondo ikakizio lili lya Mukota, ta lyane tugu. Lili buno mukikulu ntasige iba wage. Tondo ndi amusiga, nti ntasongwe nongo wamulume, tondo akulumanibwe neiba wage lingo.

Yoane 14:3

**Nu ndi nenda kumukulumizizia
biziki, nti nkasubia lingo nu
kumusekela, buno kuko kunili mu-
kikalageko.**

Yakobo 5:8

**Ikalilazi nunse, lindiazi miti-
ma zeinyu, kubuno kuvwa kwa
Mukota Kalaga kuse bwigi.**

Marko 8:38

**Ububo na muntu na muntu
ukunkwa nsoni, aba meigisia ma-
ne, munkantini mwa bantu ba le-
lo, u basombi ba Kalaga nu beiya
mibi, nti Mwana wa Bantu, nu-
we akamukwa nsoni gakavwa mu-
lutanuno Iwisi gamozi na bama-
laika basililila.**

Matayo 24:30

**Mu nkungu zezo kakengelesio
ka Mwana wa Bantu kakamone-
kako mwigulu, nu babilongo ba-
nsania bakalila, nu bakamona ku
Mwana wa Bantu gesavwa mu
bimpa nu na magala mage nu
lutanuno Iwage lunene.**

Matayo 24:27

**Anga bukukelimaga mikensi
kuntata nu kumonekako kensi,
ububo bukaba kuvwa kwa Mwa-
na wa Bantu.**

Kulolesibwa 3:11

**Navwe kitangalabeisi. Koko-
mezia nunse kiguli nakyo, buno
ungo muntu ntakunyage nkali-
lo zobe.**

1 Yoane 3:2

Batundwa bane, kano kaluma tuli bana ba Kalaga. Tabumone-kako nunse butukaba. Twizi buno gakamonekako tukamususa-nia, kubuno tukamumonako anga bweli.

Kulolesibwa 16:15

Ungwililazi, nkuvwa anga mwi-bi. Kuli mbogimbogi ku wozo ukukesia ntende, nu kulanga nsu-lu zage buno ntende mundulu, nu bantu tabamukange.

Luka 12:40

Ububo nwinywe mube kayika-yika, kubuno Mwana wa Bantu akavwa mu nkungu zimutakumu-kika.

Misako 1:11

Nu lingo batendile bune: Inywe, bantu ba Galilaya, kubu-ni kumwemana nu kulolaga kwigulu? Wono Yesu wabakamine kutuka kumuli nu kwenda kwigu-lu, akavwa lingo anga bumwa-mumonine kwenda kwigulu.

Matayo 16:27

Kubuno Mwana wa Bantu aka-vwa na bamalaika bage mu luta-nuno lwisi. Busi bubo akaliga muntu na muntu anga bwakitaga.

Luka 21:27

Mu nkungu zezo bakamona ku Mwana wa Bantu akuvwa mu bimpa na magala nu lutanuno lunene.

IDAGI LYA KALAGA

Luka 21:33

Igulu nu kisi bikatinga, tondo malagi mane tamakatinga nuse.

Matayo 22:29

Tondo Yesu abakwide bune: Mukwibaga, kubuno tamukumenya masanzo aba magala ma Kalaga.

2 Timote 3:16

Masanzo mansania moidwe na Kalaga, nu meli masoga kwigisia, nu kuzugila, nu kusungula, nu kwigisia bwisanana.

2 Petero 1:21

Kubuno bulengania tabwalusizibwe wakalazi na kusombola

kwa bantu, tondo bantu beisanana ba Kalaga basambalaga anga bubasondelezibwa na Muuza Wasililila.

Lwimbo 119:11

Nabisile idagi lyobe mu multima wane buno nsyakwagile.

Lwimbo 119:105

Idagi lyobe lili anga itala kundi, nu kyengi mu nzila zane.

Kutenda lingo milembe 4:2

Tamutalike ku makakizio manamukakizizie, nu tamutikye limozi kumo, tondo langazi makakizio ma Mukota Kalaga keinyu manamukasa.

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

2-24

Read booklets online or by App
www.wmp-readonline.org
168 Kilega HFA

